

Na osnovu člana 11. stav (1) Zakona o internoj reviziji u javnom sektoru u Federaciji Bosne i Hercegovine („Službene novine Federacije BiH“, broj 47/08), federalni ministar finansija donosi

**PRAVILNIK
O DOPUNAMA PRAVILNIKA O USLOVIMA ZA OBAVLJANJE POSLOVA INTERNE
REVIZIJE U JAVNOM SEKTORU U FEDERACIJI BOSNE I HERCEGOVINE**

Član 1.

U Pravilniku o uslovima za obavljanje poslova interne revizije u javnom sektoru u Federaciji Bosne i Hercegovine („Službene novine Federacije BiH“, broj: 85/13), iza člana 6. dodaju se novi čl. 6a. i 6b., koji glase:

„Član 6a.
(Plan i program certifikacije)

- (1) U skladu sa članom 6. stav (2) tačka 2) Zakona o internoj reviziji, federalni ministar finansija, na prijedlog CHJ FMF, utvrđuje Plan i program za specijalistički dio certifikacije internih revizora za javni sektor u Federaciji, koji se nalazi u Prilogu 1 ovog Pravilnika i čini njegov sastavni dio.
- (2) Da bi certifikat ovlaštenog internog revizora u javnom sektoru bio uzet u obzir i verificiran u smislu člana 4. stav (1) tačka c), člana 5. stav (1) tačka c) i člana 6. stav (1) tačka a) ovog pravilnika, strukovna udruženja koja provode obuku za sticanje zvanja ovlašteni interni revizor za javni sektor, obavezna su u specijalističkom dijelu obuke za javni sektor primijeniti Plan i program iz stava (1) ovog člana.
- (3) Strukovna udruženja koja provode obuku za sticanje zvanja ovlašteni interni revizor za javni sektor obavezna su prije početka obuke iz stava (2) ovog člana dostaviti na saglasnost CHJ FMF zahtjev za provođenje obuke, zajedno sa podacima o usaglašenosti specijalističkog dijela sa Planom i programom iz stava (1) ovog člana, kao i podacima o kvalifikovanosti predavača obuke.
- (4) Prilikom ocjene kvalifikovanosti predavača iz stava (3) ovog člana, CHJ FMF će u obzir uzeti kriterije kao što su: akademsko zvanje u predmetnoj oblasti, radno iskustvo u javnom sektoru, predavačko iskustvo, certifikati o specijalističkim znanjima i dr.

Član 6b.
(Izdavanje i izgled certifikata)

- (1) Nakon provođenja obuke u skladu sa članom 6a. stav (2) ovog pravilnika i polaganja ispita, strukovno udruženje, koje je provelo obuku, polazniku obuke izdaje certifikat ovlaštenog internog revizora za javni sektor.
- (2) Certifikat ovlaštenog internog revizora za javni sektor, pored općih podataka o strukovnom udruženju koje provodi obuku i općih podataka o polazniku obuke, obavezno treba da sadrži i podatak da su obuka i ispit iz specijalističkog dijela certifikacije za javni sektor provedeni u skladu sa Planom i programom iz člana 6a. stav (2) ovog pravilnika.

- (3) Certifikat iz stava (1) ovog člana, pored potpisa ovlaštenog lica strukovnog udruženja u donjem lijevom uglu certifikata, sadržavat će u donjem desnom uglu potpis federalnog ministra finansija.“

Član 2.

Ovaj pravilnik stupa na snagu narednog dana od dana objavljivanja u „Službenim novinama Federacije BiH“.

Broj: 10-02-5941-1/13

Sarajevo, 23. oktobra 2014. godine

M I N I S T A R

Ante Krajina

PLAN I PROGRAM ZA SPECIJALISTIČKI DIO CERTIFIKACIJE INTERNIH REVIZORA
ZA JAVNI SEKTOR U FEDERACIJI

Elementi plana i programa	Trajanje
<p>I. Osnove finansijskog upravljanja i kontrole (FUK) u javnom sektoru</p> <ol style="list-style-type: none"> 1. Uvod u FUK (osnovni pojmovi, svrha, cilj, obilježja kvalitetnih sistema FUK) 2. Komponente sistema FUK-COSO komponente 3. Interna revizija kao dio sistema FUK 4. Pregled ključnih oblasti u sistemu FUK <ol style="list-style-type: none"> 4.1. Strateško planiranje u javnom sektoru 4.2. Budžetski ciklus 4.3. Trezorsko poslovanje 4.4. Računovodstvena praksa 4.5. Javne nabavke 4.6. Oblast ljudskih resursa 4.7. Centralizovani obračun plaća 	minimalno 10 sati
<p>II. Regulatorni okvir za internu reviziju</p> <ol style="list-style-type: none"> 1. Zakon o internoj reviziji u javnom sektoru u Federaciji Bosne i Hercegovine („Službene novine FBiH”, broj: 47/08) 2. Pravilnik o kriterijima za uspostavljanje jedinica za internu reviziju u javnom sektoru u Federaciji Bosne i Hercegovine („Službene novine FBiH”, broj: 82/13) 3. Pravilnik o uslovima za obavljanje poslova interne revizije u javnom sektoru u Federaciji Bosne i Hercegovine („Službene novine FBiH”, broj: 85/13) 4. Metodologija rada interne revizije u javnom sektoru u Federaciji Bosne i Hercegovine („Službene novine FBiH”, br. 13/12 i 93/13) 5. Etički kodeks / Kodeks profesionalne etike za interne revizore u Federaciji Bosne i Hercegovine („Službene novine FBiH”, broj: 93/13) 6. Standardi za profesionalnu praksu interne revizije sa pojašnjenjima („Službene novine FBiH”, broj: 93/13) 	minimalno 4 sati
<p>III. Procjena rizika i planiranje</p> <ol style="list-style-type: none"> 1. Upravljanje rizikom i revizija zasnovana na riziku 2. Strateško, godišnje planiranje interne revizije i planiranje pojedinačne revizije 	minimalno 10 sati
<p>IV. Proces interne revizije u skladu sa Metodologijom rada interne revizije</p> <ol style="list-style-type: none"> 1. Obavljanje interne revizije 2. Priprema i planiranje interne revizije 3. Utvrđivanje i dokumentovanje sistema 4. Identifikacija i procjena sistema internih kontrola 5. Testiranje kontrola 6. Ocjena sistema kroz formuliranje nalaza, stručnog revizorskog mišljenja i preporuka 7. Izvještavanje i praćenje 	minimalno 16 sati